

SAN JUAN

Dsia₅ dsa₂ dse₃ 'iin₂₃ Gayo

1 ¹ Jniá₂ gui₅₄ juin₂ quián₅ guá₅, jmo₂₃ si₂ tsíng₂ ne₅₄ 'ne₂ Gayo
a₂mei₅₄ quiáng₃, ia₁ tē₃dsón₂ bá₄ 'nió₃ 'ne₂.
² Chi₁len₄ jniá₂ Diú₄ o₄quián₂ 'ne₂ rin₅₄ jniog₄, ia₁jaun₂ jmo₃
le₃chang₂ dse₃. Jui₁'ei₅ bá₄ dse₃ 'au₂ ján₃, jui₁lia₂ 'ei₅ 'au₂ tē₂le₃
quian₅₄ jme₂dsí₂ quiáng₂. ³ 'Nio₅ lín₃ 'io₂ jéin₅ jniá₂ jme₁ca₂o₃lén₂
i₂lín₅₄ rin₅₄ jniog₄. 'Éi₂ nē₃ ca₂dsia₃ 'a₂ lia₂ dse₃ ma₂chang₂ rē₂teng₅₄
lia₂ con₂ lē₅ jág₁ tí₅. ⁴ 'I₁caun₂ a₂siá₂ tsá₃ cha₂ jua₅₄ a₂lé₂ le₃jmo₃ 'ag₃
dse₃ dsi₃ 'io₂ jéin₅, jñia₅₄ lia₂ a₂le₃guion₅₄ a₂i₂nio₄ bá₄ chi₂-guein₂
quiáng₃ lia₂ con₂ lē₅ jág₁ tí₅. ⁵ A₂mei₅₄ quiáng₃, caun₂ a₂rē₂ti₅₄ bá₄
jaun₂ a₂jmo₂ 'ne₂ jme₁cuē₂ gog₂-tag₅₄ o₄quió₄ rin₅₄ jniog₄, o₁jñia₅₄
tsá₃ cuiin₂. ⁶ Tē₃ ja₁le₁ñi₂ guá₅, ma₂ca₂jáng₃ 'éi₂ jág₁ dsau₅ 'a₂ lia₂ 'ñí₄
lē₃ 'nió₃. Jmo₄ dse₃ 'au₂ jme₁oin₁₂ a₂'nió₅ quió₅, ia₁jaun₂ caun₂
dsi₃lén₂ bá₄ ne₄ jui₅ ja₁tioin₅₄ jui₅ dsi₁lén₂. Jmo₄ a₂tē₅ dsí₅ Diú₄. ⁷ Ia₁
tioin₅₄ jui₅ i₂lén₂ dsi₃jmo₂ ta₁ quió₅ Jesucristo, la₁ tsá₃ 'e₂ ma₂gue₃
'i₁caun₂ quió₅ dsa₂ i₂tsá₃ 'én₂. ⁸ Jaun₂ lē₃, jniog₄ nē₃ ca₂tag₂ dsiá₁ gu₂,
jme₁oin₁₂ a₂dsi₁lén₂ ja₁tioin₅₄ jui₅ dsi₃'é₃ jág₁ tí₅ quió₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá₅. La₁ Diótrefes tsá₃ gue₂₃
'éi₃ quián₂ jnia₅₄, ia₁ 'nio₃ jme₃góin₃ 'ñiog₅ jmo₃ juin₂ cán₂ ne₄ jui₅
quió₅ guá₅. ¹⁰ Jaun₂ lē₃, nē₁jua₂ ca₂ñó₃ jniá₂, i₁jéin₂ ia₁ 'e₂ lē₃ jmo₂₃
jág₁ tē₂jág₁ 'ag₂₃ jnia₅₄. Tsá₃ mag₂ bá₄ gué₄ dsí₅ a₂jaun₂, ia₁ ján₃ bá₄ tsá₃
guein₂₃ rin₅₄ jniog₄ i₂dsi₁lén₂ nē₃; qui₂ñé₅ bá₄ nē₁jua₂ chan₂ gué₂
i₂'nio₃ guei₃, 'uíin₂ bá₄ 'éi₂ jē₄ quió₅ guá₅.

¹¹ Rin₅₄ jniog₄, tsá₃ can₂ 'nia₂ jui₅ 'lig₅₄ quió₅ 'éi₂. Jmo₄ 'nia₂ a₂dse₃.
Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig₅₄ nē₃, tsá₃
ma₂ca₂rē₃cuiin₂₃ Diú₄.

Caun₂ jui₅ dse₃ a₂rē₂jniá₂ ñi₅ Demetrio

¹² Ca₂le₃jín₃ bá₄ juá₂ dse₃ 'iin₂₃ Demetrio. Ia₁ rē₂jniá₂ bá₄ 'a₂ lia₂ 'ñi₂₃.
Le₂nē₅ bá₄ jnia₅₄ nē₃, dsia₂ jág₁ dse₃ 'ín₅ 'éi₂, jaun₂ ñi₅₄ 'nia₂, dsau₅ bá₄
jág₁ a₂jang₂ jnia₅₄.

Jág₁ jē₁ca₂tó₂

¹³ 'Lióng₂ bá₄ jág₁ 'nio₃ jniá₂ juá₄, la₁ tsá₃ 'nio₃ jmo₅₄ quian₅₄ jmi₁jné₂
on₃ gué₂ quian₅₄ pluma; ¹⁴ ia₁ 'ín₂ dsi₃ jniá₂ jag₅₄ dsi₁ne₁ ñi₅₄ ta₁ la₂
ia₁jaun₂ dsiá₁ jág₁.

¹⁵ Jui₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃
 chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au'₂ cuin₅₄ Diú₄ le₂jan₂ le₂jan₂
 a₂mei₅₄ quián₂ ja₁ně₅.
 Co₂ně₅.